



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



Ba tleloa ke tšepo

3


LNFOOD e
khoaletsisa kentelo

6



E B A F A T S E B E

www.moeletsioabasotho.co.ls



Re se re fumaneha ho marangrang

Email: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Mokopi ke mokokomali

Ho thoe: "Kopa u tla fuoa, kokota u tla buleloa." E se e ba tla e le nako e fetang lilemo tse 'maloa lifeme li koaloa lenyele-nyele ka lebaka la ho feloa ke nako ha selekane sa khoebisano sa AGOA. Eka hlathe se e tla lelekisa tsebe, 'muso oa Lesotho o bile lipuisanong le Naha ea Amerika ka matona a ikarabellang litabeng tsena. 'Me litaba li'a tšepisa, mohlomong ha Ntlo ea Senate ea Amerika e tla ananela, e hloholofatse e be e tekenele litaba tsena, Naha ea Lesotho mohlomong e tla oela kahar'a linaha tse tla thusoa ke AGOA.

Re lebeletse ka tšepo qeto ea moshoelella e tla tlisa boikemelo ba khoebo ea lifeme le mesebetsi e mengata. Re thoholetsa khato eo, e se e ka e ka tsoalla naha namane e tšehali.

Mongoli oa EFTWU o re o khotsofalitsoe ke katoloso ena, hobane tlhokahalo ea mesebetsi e ne e se e amme bophelo ba malapa, thuto ea bana, khoebo le moruo oa naha ka kakaretso hampe. A thoholetsa 'muso ka ho lula o buisana le balekane ba machaba ho loanela lithahasello tsa Basotho.

Letona la Mesebetsi ea Sechaba le Lipalangoang le re taba ena ea batho ba shoellang likotsing tsa tseleng e ntse e eketseha selemo le selemo, sesosa ke batho ba qhobang ba sebelisitse mothahamane. Khothaletso ke hore motho a se qhobe a le tlas'a tšusumetso ea tai. O re lipalo li supa hore ka selemo sa 2021 ho tlalehiloe batho ba 4,001 ba feletsoeng ke bophelo likotsing tsa mebileng, ha ka 2025 e le 4,028, 'me hona ke sesupo sa hore bothata bo ntse bo tsoelapele hona le hore bo fokotsehe.

Taba ee re e etsa joang re le Basotho? Na ke khaello ea thuto kapa ke ho se hlomphe molao oa naha ea rona? Phetoho ea boitsoaro, hahalo-holo ba ho noa joala motho a ntse a qhoba, ke senotlolo sa ho fokotsa likotsi tsa mebileng le ho pholosa bophelo. Baqhobi khothaletsanang bohle ho nka molaetsa oa matšolo a tšireletso ea litsela ka botebo, e le ho sireletsa bophelo le ho fokotsa mahlomola a malapa a lahleheloang ke baratuo ba ona ka likotsi tsa tsela.

IEC e tsoile letšolo ho nyakurela mehoo ea matšolo, mekha le makhotla a lipolotiki ka botebo hore na ba fela ba kenyelelitse batho ba nang le bokooa ho ipapisitsoe le molao o tsamaisang likhetho. Komisi e boetse e phamoleitse holimo taba ea ho kenyeletsa tšebeliso ea puo ea matsoho, Braille le ho ba fa tsebe lithokong tsa bona e le ho arabela leano le kenyeletsang bohle litabeng tsa sechaba.

Khetho ke tokelo ea mantlha ea motho e mong le e mong e sa khethe na e etsoa ho mang. Basotho ba thoholetsa komisi hore tlhahiso leseling ea likhetho e fumanehe ho bohle ntle le khethollo.

Basotho ba tumme ka hore lebitla la khomo ke molo-mo, empa kajeno Letona la Temo le re ha li eme re botse, ho latela lefu la sekhelopane le makhopho likhomong. Basotho keletso ke lebone, etsoe ngoana mahan'a joetsoa o bonoa ka likhapha. Ho ipaballa ho molemo ho feta setlhare. Hoa tsebahala hore 'muso oa mpa ha o kolotoe, leha ho le joalo, ha re qobeng ho ja nama ea likhomo tseo ha li se li shoele.

Taba ena ea lenyalo la bana ba tlaase lilemong le ho ima e ntse e hloa mekoalaba litererekeng tse ka maloting a naha. Ebe sesosa keng? Ke khaello ea thuto kapa ho se hlomphe melao ea naha? Ruri re ipiletsa ho mafapha ohle ho tsoarana ka motso ho loantša boemo bona.

MOLIMO A BOLOKE LESOTHO LE BASOTHO

Lesotho le China litlamahana-'moho

Nthabeleng Seitlheko


Tona-kholo ea Lesotho Mohlomphehi Samuel Ntsokoane Matekane, o

okun, Mongoli e Moholo Lefapheng la Litaba tsa Machaba le Likamano tsa Machaba, Monghali Thabang Lekhela, ham-moho le baetapele ba bang ba 'muso.

Wang Yi o lebohile 'Musu le sechaba sa Basotho ka kamohelo e mofuthu, 'me a tho-

China.

Ketelo ena e totobat-sa likamano tse matla le setsoalle lipakeng tsa Lesotho le China, tse thehiloeng tšepanong ea lipolotiki le tšebelisanong mafapheng a kang meralo ea motheo, bophelo bo botle, thuto le litaba tsa machaba.



amohetse Letona la Lita-ba tsa Machaba la Naha ea Republic of China Mohauhi Wang Yi, 'moho le moifo oa hae, Ntlong ea 'Musu ka la 10 Pherekhong Monongoaha.

Ketelo ena e tsoaea mohato oa bohlokoa oa ho matlafatsa likamano tsa setsoalle le tšebelisa-no lipakeng tsa 'Musu oa Lesotho le China ea nako e telele le ho atolosa tšebelisanano mafapheng a bohlokoa a ntšetsopele.

O totobalitse hore likamphani tsa China li se li entse mosebetsi o bonahalang Lesotho. A supa hore tšebelisanano 'moho ea kamoso e loke-la ho tsepamisa maikutlo ho koetliso ea litsebo le ho theha menyetla ea mesebetsi bakeng sa Basotho.

Letona Wang Yi o fihlile boema-fofane ba Machaba ba Moshoeshoe I, moo a amohetsoeng ke Moemeli oa China Lesotho, Monghali Yang Xia-

holetsa Lesotho ha le itokisetse ho keteka lilemo tse 60 tsa boipuso. O thoholelitse 'musu ka ho tsepamisa maikutlo ntšetsopeleng ea naha le phetohong ea moruo, a re ketelo ea hae ke karo-lo ea Foramo ea Tšebelisanano ea China le Afrika (FOCAC), e reretsoeng ho tšehetsa linaha tsa Afrika mererong ea tsona ea ntšetsopele.

Letona la Machabeng la Lesotho, Mohlomphehi Lejone Mpotjoane, o bile le lipuisano le molekane oa hae oa China. H'a bua le boralitaba, o itse Lesotho le ikemiselitse ho matlafatsa tšebelisanano ea moruo le China, ho ntlafatsa tlhahiso ea temo, le ho sebelisana lefapheng la lifofane, ho kenyeletsa le tokiso le ntlafatso ea boema-fofane ba Moshoeshoe I. O boetse a bontša hore ho ntse ho shejoa menyetla ea hore litichere le bacha ba Basotho ba sebetse

Tseba boemo

ba hau u

alafshoe



Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58190670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Basotho ba tlaloa ke tšepo

Nthabeleng Seithleko

Paramente ea naha ea America e entse qeto ea ho eketsa nako ea selekane sa khoebisa-no sa African Growth and Opportunity Act (AGOA) ho fihlela ka selemo sa 2028 bakeng sa linaha tse ling tsa tikelohlo e ka Boroa ho Afrika. Qeto ena e tlisitse tšepo e kholo ho basebetsi ba lifeme Lesotho, haholo nakong eo khoebo e hlokanang botsitso le ho lahlehela ke mesebetsi ha sechaba se sengata.

Puisanong le Mongoli Kakaretso oa EFTWU, Tšepang Makakole, ka la 14 Pherekhong monongoaha, o hlalositse hore katoloso ea AGOA e tlisitse khotsofalo e kholo kaha tahlehelo ea mesebetsi e ne e se e amme bophelo a malapa, thuto ea bana, khoebo le moruo oa naha ka kakaretso.

O thoholelitse 'Muso oa Lesotho ka ho lula o buisana khafetsa le balekane ba

ikemiselitse ho lula fatše ho bopa maano a tla thusa ho sireletsa mesebetsi nakong e tlang ha selekane sena se fihla pheletsong. O re sena se tliša thabo ho basebetsi kaha se fana ka tšepo ea ntlafalo ea bophelo.

A re o ipiletsa ho 'muso oa Lesotho ho tsoela pele ka lipuisano tse akaret-sang, kaha puisano ke eona tharollo ea mathata a mangata a tobaneng le naha. O re se ba tšoenyang ke hore mesebetsi e bolokehe, le moputso oo ba o fumanang ebe o fetolang bophelo ba bona le ba malapa a bona.

E mong oa basebetsi ba lifeme sebakeng sa Station, 'Maletsema Khula, o hlalositse hore o sebelitse life-meng ho tloha ka selemo sa 2000, a iphelisa le ho phelisa lelapa la hae ka mosebetsi oo. O re ba amohetse phatlalatso ena ka thabo hobane e fokotsa tšabo ea ho theohela mosebetsing ka likhaohano le ho phela ka letsoalo la hore mosebetsi o ka fela neng kapa neng.

O supile hore ho ne ho le



Ralebitsa, o re o ile a qeta likhoeli tse 5 a se na mosebetsi ka lebaka la ho se tsitise ha AGOA. O re ho ba le mosebetsi ho tliša botsitso ba kelello, kaha nakong eo

Leha ho le joalo, Lekala la Khoebo le Mesebetsi e Mhlole le lokotse phatlalatso ea litaba ka la 14 Pherekhong monongoaha, la supa hore Letona la lekala lena,

tla phatlalatsoa kamor'a hore lipuisano li phetheloe. E boetse ea hlalosa hore 'Muso oa Lesotho o amohe-la ka mofuthu ebile o rorisa ka matla tšitšinyo ea mahla-



machaba ho loanela litha-hasello tsa Basotho, a re boiteko boo bo bontša boikemisetso ba ho netefatsa hore mesebetsi e sireletse-hile, le hoja selekane sena se sa emetse tlhohonolofatso ea ho qetela ea Ntlo ea Senate ea Amerika.

Makakole o boletse hore mekhatlo ea basebetsi e

bohlolo ho bona bahiri ba bang ba nka monyetla ka ho se tsitise ha AGOA, ba tšoaara basebetsi hampe. O ipilelitse ho 'muso hore o behe melao e hlakileng ea ho sireletsa lifeme le basebetsi, e le hore ha mathata a hlaha mesebetsi e se ke ea fela habonolo.

Mosebetsi e mong, Neo

a neng a sa sebetse o ne a e-n'a le khatello ea maikutlo, a lula malaeneng a sa khone le ho lefella bolulo.

O boletse hore tahlehelo ea mosebetsi e ile ea ama le thuto ea bana, moo e mong oa bana ba hae a ileng a hloleha ho ngola sehlopha sa 11 ka lebaka la ho haella ha chelete.

Mohlomphehi Mokhethi Shelile, o United States of America ho tsoelapele ka lipuisano le bachang ba tšola litabeng tsena, ba kenyetse litho tsa Ntlo ea Senate le barekisi ba amehang mabapi le nchafatso ea AGOA.

Polelo ena e bontšitse hore lintlha tsa kopano li

kore a mabeli ea ho fetisoa ha African Growth and Opportunity Act Extension Act (HR 6500).

'Muso o re Basotho ba ntse ba lebeletse ka tšepo qeto ea moshoelella e tsoang ho 'Muso oa Amerika, e tla tiisa bokamoso ba khoebo ea lifeme le mesebetsi e mengata.

MOELETSI O TŠEHETSA BACHA

Tšeliso Thakholi

Leha ho bona-hala ‘muso o kentse linala mobung, hore bacha ba itlhamisetsa mesebetsi, karolo e kholo ea bacha ba sa tsoa fumana mangolo ngoahola le ngoahola-kola likolong tse kholo kahar’a naha, ba ntse ba aparetsoe ke tlhokahalo e kholo ea mesebetsi. Moeletsi oa Basotho o ile oa buisana le e mong oa bacha e leng ‘Mamphatšoe Letele, ea ipabolang ka ho roka liphahlo ka mefuta ea tsona, e bile e le moth-ehi oa Rage Obsession Centre moo ho rupeloang bacha ho taka ka ‘make-up’, ho khabisa manala le ho loha moriri.

QALEHO

Ke qalile hoba le lerato la khoebo ha ke ntse ke le Sekolo sa Mathomo sa Tshepo Christian, ka fetela ho se Phahameng sa ‘Matikoe, ea ba tlhase ea ho roka e ntse e hola ka ho ‘na, hofihlela ke qeta sekolong. Ka ea ithutele moroko Sekolong sa Lithuto tsa Mahlale le Mesebetsi ea Matsoho sa Lerotholi. Ka 2019 ha ke qeta ho phethela lithuto tsa ka, ka qala khoebo ea ho roka, nakong eo ke emetseng ho tla fumana lengolo ka Mphalane hona selemong seo.

KHOEBO

Khoebo e ne e itsamela hantle ho fihlela ka 2020, ha ke tlameha ho koala ha nakoana ka lebaka la seoa sa COVID-19. Nakong eo likhoebo li boelang li buloa, lintho li ile tsa nka mothinya o sele, bareki ba fokola haholo hoo maemo a nt-seng a e-s’o tsitsi hantle le kajeno. Ka selemo sa 2023 ho isa ngoahola leseli le ile la qala ho ba teng, ha ‘na le baithuti ba bang bao re neng re kena Lerotholi re khetheloa hoba karolo ea baahloli, moketeng o moholo oa selemo le selemo o bitsoang ‘Wear what you made’.

LIQHOLOTSO

Qholotso e kholo e teng khoebong ena ea ho roka ke hore haele nako ea Mariha, bareki ba fokola haholo hoo ka nako tse ling re iphumanang re kene tahlehelong e kholo. Empa haele nako ena ea Lehlabula ho batla ho eba betere haholo hobane bareki ba hloka ho rokeloa lintho tse fapaneng bakeng sa maemo a Lehlabula.

SEKOLO SE SECHA

Kamor’a ho ela hloko liqholotso tsena le ho leka ho li fenyha, ka litsebo tseo ke nang le tsona, ke ile ka bona ho le bohlokoa ho tšehetsa khoebo ena ea moroko ka ho theha sekolo se bitsoang Rage Obsession Centre. Sekolong sena re ruta bacha le batho ba baholo ka ntho e bitsong ‘cosmetology’, e leng lithuto tsa moriri, manala le ho etsa

botle ka ‘makeup’. Hona sekong sena re boetse re fana ka lithuto tsa ho silila ‘mele (massage) le ho sebetsa hoteleng. Ho fihlela hajoale re sebetsa re le bararo feela kaha khoebo e sa ntse e hola, empa morero ke ho sebetse ka thata ho bona hore re hlahisetsa bacha mesebetsi.

KELETSO HO BACHA

Nka eletsa bacha bao e

leng hona ba tli’o qala khoebo hore ba lokela hoba le mamello le lerato la seo ba batlang ho se etsa, hoba boholo ba likhoebo tseo ba li qallang ke tse se ntse li le teng, tseo o tla fumana li le ngata empa bareki ba fokola. Bacha bohle ba batlang ho qala likhoebo tseo re nang le tsona, ba tsebe hore mamello e tsoala katleho le hore ba be le lerato la mosebetsi oa bona.



Lenyalo la bana le bokhachane ke qholotso - Thaba-Tseka

Nthabeleng Seitlheko

Lenyalo la Bana ba tlaase lilemong, boimana le bana ba ikholisang malapeng ke qholotso e kholo Seterekeng sa Thaba-Tseka. Litaba tsena li boletsoe ke 'Musi oa Setereke sena, Mongha Tlali Mphafi puisanong ka mohala le Koranta ka la 12 Pherekhong 2026.

O hlalositse hore taba ena e tliša bolutu bophelong ba bacha kaha le bona ba etsa bana, ebe hamorao ba lokela ho ba siea malapeng le maqhekoana ba lebe Afrika-Boroa ho batla mesebetsi hobane ba se ba lokela ho nka boikarabello. O re ba bang ba qetella ba sa khutle, ba nyaloa ba lebalala boikarabello, maqheku ka litsiane tsa bona ebe ba lokela ho hlokomela bana.

O bontšitse hore bothata bo bong ke lephako le tjametseng malapa a mangata, le hore baithuti ba nyahlatsa sekolo ka lehare.

O re thuto ke leseli le hoja batho ba nahana hore ho sebetse pele motho a ruteha ke tharollo. A re bacha ba lokela ho sheba bokamoso ba bona ba ithokomele ba tsebe hore kamoso ke bona ba tli'otsa liqeto tse kholo. A re ba leka mekhoe eohle ho fana ka thuto metseng, likolong le lihlopheng tsa bacha empa ho bonahala ba bang ba ntse ba e-na le khaello.

Mphafi o re ke nako ea hore mafapha 'ohle a tšoarane ka matsoho ho loan-tša ho ima ha bacha ba sa leng tlaase lilemong ho et-sahalang ka sekahla seterekeng sa habo.

O re ba shebile hore ba se ke ba ruta banana feela empa ba rute le bashanyana hore ba be le tsebo litabeng tsena. A re o tšoenyehile haholo 'me a khotlaetsa mafapha a kang la khoebo, temo, thuto, bophelo le la ntšetsopele ea sechaba a ikopanye ho fenyha bothata bona.

A bontša hore taba ea thuto ha se ea lefapha la bophelo feela, empa mafapha a kang la thuto le la ntšetsopele a ea hloka hahala ho fetisa koetliso e felletseng ka bohlokoa ba thuto e le hore

ba tle ba shebane le lithuto tsa bona likolong. A re bacha ba lokela ho sebetse ka matla litabeng tsa boqapi.

Mookameli Litšebeletso tsa Bophelo, Thaba-Tseka, Dr. Joseph Mashale o hlalositse hore bokhachane ba bacha ba tlaase lilemong ke tšoenyeho ho bona e le Lekala la Bophelo. O re bana ba bang libakeng tse ling ba tsamaea nako e telele ho ea likolong, 'me ba qetella ba tsoa likolo ka lehare ba sa le banyenyane, 'me ha ba se ba sa ee likolong ba ts'oaroa ke bolutu e be ba qetella ba se ba fumana thobalano e le eona e ka ba tlosang bolutu.

A re ba bang ba bana likolong lebaka leo ba oelang lerabeng la boimana ke la hore batsoali ha ba atlehe ho ba isa likolong ho tsoelisa thuto ea bona. Ho arabela liqholotso tsena, ba morerong oa ho etsa likopano tsa banna hore ba ba rute ho sireletsa bana ba banana.

Raliphatlatso oa Sepetlele sa Paray, Monghali Vuyani Dlakavu h'a buelella sepetlele sa habo, o itse karolo ea 70 lekholong ea bakhachane setsing sa bona ke bacha ba tlaase lilemong.

A re morao tjena 'mele ea bona e tlokoma kapele 'me ba shebahala e ka ba baholo ba ntseng ba le banyenyane, ebe ba se ba kena liketsong tsena.

A re hangata bokhachane lilemong tse tlaase bo ba le qholotso ea phallo e phahameng ea mali, 'me seo se kotsi hoo re ka lahleheloang ke 'ma kapa leseae.

A re boholo ba bona ba pepa ka thipa, 'me sena se ama 'mele ea bona hampe, a re ke boikarabello ba bona ho bona hore b'a tsoa ba ruta sechaba kaha batsoali ba ntse ba khalemela empa ho bonahala hore bacha ba ntse ba hloka thuto ho hlahla kante. A re ba haelloa ke lisebelisoa ho finyella metseng ho anetsa thuto.

Basotho ba fuoe metsi mahala

Nthabeleng Seitlheko

Mothehi oa mokhatlo o loanelang litokelo tsa mantlha tsa sechaba tsa metsi, Lenka Thamae, o re Basotho ba lokela ho fuoa metsi mahala, kaha Lesotho e le mohloli o moholo oa metsi le fepelang linaha tse ling. O boletse sena puisanong le Koranta ka la 13 Pherekhong monongoaha.

O re metsi a naha ena a tsoela lichaba tse ling molemo, empa Basotho ba ime-loa ke moroalo oa ho reka metsi. O supile hore ho kenngoa ha metsi kahar'a metse ea Basotho ho ka thusa ho fenyha tlala le bofuma, kaha tlhahiso ea lijo e ka etsoa habonolo ha metsi a fumaneha.

O tsoetse pele ka hore sena se ka boela sa matlafatsa naha, kaha sechaba se ka atleha ho arabela tlhoko ea mantlha ea ho iphepa. A re tsena ke tse ling tsa melemo eo Basotho ba lokelang ho e una lihlopheng tsa naha ea bona. O hatelletse hore ke nako ea hore 'muso, pele o nahanela linaha tse ling, o fepele sechaba ka metsi mahala, ho e-na le hore batho ba lefelle lits'ebeletso tseo bohlo ba bona ba sitoang ho li lefella ka lebaka la tlhokahalo ea mesebetsi.

Thamae o boletse hape hore o ikemiselitse ho tsoela pele ho susumetsa 'Muso oa Lesotho hore o netefatse hore batho bohle ba fumants'oa metsi ho sa natsoe boemo ba bona ba bophelo. O re ho phahamisoa ha litefello tsa metsi ho sitisa ntlafalo ea mafutsana a seng a se na menyetla ea ho iphelisa. A re ho fumana metsi a hloekileng ke tokelo ea mantlha ea sechaba, 'me ho lokela hore ho be le boiteko ba ho sireletsa le ho baballa lits'ebeletso tsena.

O bontšitse ho tšoenyeha ka khaello ea metsi libakeng tse ngata tsa mahaeng, haholo-holo libakeng tse sa fihleleheng habonolo, moo basali le banana ba tlamehang ho nka maeto a malelele ho ea selibeng. O re sena se ba beha kotsing ea ho hlekefetsoa, 'me maemo ana a ka fokotseha haeba 'muso o ka ela hloko litlhoko tsa sechaba ka boitebo.

Ha a phethela, Thamae o ipilelitse ho 'Muso oa Lesotho hore o anetse metsi mahala metseng, kaha Basotho ba lefa likhafa tseo ba lebelletseng ho bona litšebeletso tse tsoileng matsoho. Leha ho le joalo, o boetse a hatella hore ha 'muso o ntse o itokisetse mehato ena, batho bohle ba kolotang WASCO ba lokela ho lefa mekitlane ea bona, e le hore setsi sena se tsebe ho phethahatsa mesebetsi ea sona habonolo.

Ka lehlakoreng le leng, Mookameli oa Liphatlalatso Setsing sa Metsi le Likhoere-khoere (WASCO), Rethabile Lefantsatsa, o hlalositse hore mekitlane e meholo ea metsi e bakoa ke mekhahlelo e fapakaneng ea sechaba, ho kenyeletsa makala a 'muso, likhoebo le mekhatlo e meng.

O re se tšoenyang haholo ke bongata ba chelete e ntseng e kolotoa WASCO, kaha chelete ena e ne e lokela ho sebelisoa ho phethahatsa meralo le mesebetsi ea letsatsi le letsatsi. O supile hore chelete e ka bang M215 million e ntse e le matsohong a basebelisi ba metsi.

Lefantsatsa o ipilelitse ho sechaba hore se lefe lits'ebeletso tsa metsi ka nako, kaha mekitlane ena e sitisa ts'ebetso ea WASCO ea ho fana ka metsi a lekaneng le a hloekileng ho Basotho.

H'a fana ka mohlala, o re ka linako tse ling sechaba se tletleba ka hore WASCO ha e potlake ha ho e-na le lipeipi tse phunyehileng, athe lebaka ke hore setsi sena ha se be le chelete ea ho reka thepa e hloka hahala, kaha chelete e kolotoang e sa khutlisetsoe.

O re sena se baka likhohlano lipakeng tsa WASCO le sechaba, kaha bosebeletsi bo bonahala bo lieha, ha ka lehlakoreng le leng ho boetse ho e-na le bothata ba thepa e sebelisoang ho hloekisa metsi, e rekiloeng kante ho naha, hammoho le litšenyehelo tsa ho lokisa likoloto le ho etsa lintlafatso metseng.

H'a phethela, o boletse hore WASCO e se e qalile ho kenya ho koala phephelo ea metsi ho bohle ba nang le mekitlane e meholo seterekeng sa Maseru, 'me kamor'a moo ba tla fetela le literekeng tse ling.

<https://whatsapp.com/channel/0029VaksSPUJUM2dmiGDNh20>

Follow Moeletsi oa Basotho

Official WhatsApp Channel

and stay connected!



Fumana litaba tsa morao-rao, litsebis, likhatiso le tse ling ka potlako ka menoana feela!



WhatsApp: 6260 0983

www.moeletsiobasotho.co.ls



KHOELEHETSO HO BACHA

Re kopa bacha bohle ba khoebong, tse ntseng li thuthuha le tse seng li

iphumane ba bue le

Moeletsi oa Basotho ho:

newsroom@moeletsiobasotho.co.ls kapa nomorong ea

WhatsApp ea +266 62600983 ho arolelana le bacha ba

bang ba nang le khahleho ea ho qala

khoebo, empa ba sa tsebe ba ka qala joang.

SUBSCRIBE & BUY ONLINE!

Monongoaha re batla re qatsohile haholo ho tsa marang-rang. Fumana libuka tsena ho marang-rang a Akello Library

Mazenod BOOK CENTRE
Prepare good People for The Lord

TIPS TO ACCESS

<https://library.akello.co/downloads>

Steps to Access our Books on Akello Online Library

1. **Visit Akello Library:** Go to (<https://www.akellolibrary.com/>) or download the app on the link provided above.
2. **Sign Up/Log In:** Register or log in with your account.
3. **Search:** Use the search bar to find "Mazenod Book Centre" or specific book titles.
4. **Select a Book:** Click on the desired book to view details.
5. **Borrow or Buy:** Borrow free books or purchase premium ones as needed.
6. **Read:** Access the book online or download it for offline reading.

For issues, contact Mazenod Book Centre

WhatsApp: (+266) 57396597

akello
LIBRARY

FOR MORE
INFORMATION

22 322 213 / 27 350 562

maserubookcentre@gmail.com / bookcentre@mazenodprinting.co.ls

Ba fuoa tsebe

Nthabeleng Seitlheko

Komisi e lke-metseng ea Likhetho (IEC) e phamolela litaba tsa batho banang le bokooa holimo, ka ho kenyeletsa tšebeliso ea puo ea matsoho, Braille le ho ba fa tsebe litlhokong tsa bona e le ho arabela leano le kenyeletsang bohle litabeng tsa sechaba.

Tsena li boletsoe ke Ledia Macheli, lebitsong la Motsamai oa Likhetho, h'a koala ka molao thupelo e neng e reretsoe mafapha a fapaneng a sechaba ka la 13 Pherekhong 2026. Thupelo ena e ne e shebane le ho khothaletsa matšolo, mekha le makhotla a lipolotiki ho kenyeletsa batho banang le bokooa kahar'a mehoo ea bona ho ipapisitsoe le molao o tsamaisang likhetho oa 2011, karolo ea 30.

Macheli o hateletse hore khetho ke tokelo ea mantlha ea motho e mong le e mong ebile e 'ngoe le e 'ngoe e bohlokoa ho sa natsoe na etsoa ho mang. A re ho kenyeletsa batho banang le bokooa, kahar'a mekha ea lipolotiki e lokela ho bontša ka ho hlaka hore na litlhoko tsa bona li kenyelelitsoe joang mananeong le mehoong ea bona. O itse thupelo ena e tsoetsoe ke tlhahlobo ea mehoo ea mekha le makhotla a lipolotiki e neng e etsoe ke batho banang le bokooa, moo ba neng ba hlokomele hore ho bonahala ba salletse morao litabeng tse joalo.

O re mosebetsi oa IEC ke ho netefatsa hore bohle ba ba leseling ka likhetho ho se khethollo, e le hore ho se be le karolo ea sechaba e sallang morao. Le hoja IEC e sa qobelle mekha, e khothaletsa ka matla hore bapolotiki ba amohela sekheo se teng 'me ba etse liphetoho tse bonahalang.

Puisanong le Mongoli e Moholo oa Lekhotla la Puso ea Sechaba (DC) Mohlomphehi Tšitso Cheba, o hlalositse hore molao oa likhetho oa 2011, khaolo ea 30, o hloka ho hlakisoa le ho tiisoa e le hore o qo-

belle mekha le makhotla a lipolotiki ho kenyeletsa batho banang le bokooa ka tsela e bonahalang.

O bontšitse hore ha ho lokisoa molao oa likhetho, ho lokela ho be le litekanyetso tse hlakileng, tse bontšang hore batho banang le bokooa ke litho

so. A re taba ena e lokela e be e hlakileng hore bohle ba latele molao.

H'a bua ka manane a khekhehane o itse le ha molao o totobatsa tekatekano ea banna le basali, boemeli ba batho ba nang le bokooa ha bo hlake, 'me sena se siea karolo ena

batho bohle eseng ba fuoe menyetla ba sa e sebeletse.

Lebitsong la mokha oa BNP, Mohlomphehi Male-shota Setota o khothalelitse batho ba nang le bokooa hore ba kenelle lipolotiking ka boitšepo, a re ho na le mehlala ea batho ba nang le bokooa ba seng ba ntse



tse felletseng tsa mekha, eseng batho ba kenyeletsoe feela ka mabitso, ba sa iponahatse le ho nka karolo kahar'a mokha. Sena se tla nolofaletsa IEC ho etsa tšalo-morao e nang le ponaleto pele e abela mekha le makhotla mangolo a ngoli-

ea sechaba e sa kenella. A re bona e le DC esale ba ananela batho ba nang le bokooa hobane likomiting ba teng ba bile b'a ipabola. A re ho bohlokoa hore bao ba ntse ba le mekhatlong ea bona, ba ithahise lipolotiking ba nke karolo joaloka

ba sebetsa likomiting tsa mekha.

"Boemo lipolotiking bo lokela ho fuoa motho ea bo sebeletsang, eseng a bo fuoe feela ka lebaka la boemo ba hae." Ho boletse Setota, a totobatsa hore litsebo le boitlamo ke tsona

tse lokelang ho etellapele, litaba tsena.

Lebitsong la batho banang le bokooa, Adv. Thaabe 'Moso oa LANFOD o boletse hore liphuputso tsa bona li bontša hore batho ba nang le bokooa ha b'a kenyeletsoa ka kotlolo-ho kahar'a mehoo ea mekha le makhotla a lipolotiki. O re sena se bontša hore ho ntse ho e-na le khethollo e patiloeng tsamaisong ea lipolotiki.

E mong oa ba bileng teng, Tšepiso Serabele, o itse ke nako ea hore batho ba nang le bokooa ba hlahelle mabaleng a lipolotiki, ba se ke ba ipeha ka thoko. O hateletse hore melao e lokela ho ba kenyeletsa ka ho hlaka.

H'a phethela, o ipilelitse haholo ho bacha ba nang le bokooa hore ba nke karolo lipolotiking le mekhatlong eohle ea sechaba, kaha seo se tla matlafatsa boemeli le ho felisa khethollo.

Batho ba nang le bokooa ba boetse ba ipiletsa hore nakong e tlang IEC e netefatse Braille, puo ea matsoho, lisebelisoa tsa ba sa utloeng le motsamao o bonolo litsing tsa likhetho, e le hore likhetho e be tsa bohle.

Ho ea ka lipehelo tsa Ntšetsopele ea Moshoelella SDG 10, ho tlatsetsa litaba tse kenyeletsang bohle, e bua haholo ka ho netefatsa hore batho bohle, ho kenyeletsa ba nang le bokooa, ba kenella liqetong tsa sechaba, SDG 16 eona e bua ka khotso, toka le mekhatlo e matla – ho aha tsamaiso ea likhetho e kenyeletsang bohle, e nang le ponaleto le toka.

Ho feta mona molao oa tumellano ea Machaba ea Litokelo tsa Batho ba nang le Bokooa (UNCRPD) e re Linaha li tlameha ho netefatsa hore batho ba nang le bokooa ba na le tokelo ea ho nka karolo ka botlalo le ka tekatekano litabeng tsa lipolotiki le tsa sechaba, ho kenyeletsa tokelo ea ho khetha le ho khethoa.

NEW

WIDE FORMAT PRINTING

We offer durable, affordable & quick turnaround wide format prints. We can provide multiple options for indoors and outdoor applications - as well as produce any size you can imagine

FOR YOUR FUTURE WE CARE

Call or whats App: +266 28350815/ 22350224/ 68078124 (Whats app)

BANNERS

SIGNS

POSTERS

PRINTS

Mazenod PRINTING WORKS (Pty) Ltd

Prepare good People for The Lord



TSA KEREKE

Ba keteka hlatsuo ea Morena

Tšeliso Thakholi

Bakriste ba Parish ea Maria Mo-fumahali oa Lefaatše, Mazenod ba ketekile Mokete o Moholo oa Hlatsuo ea Morena oa rona Jesu, ka Sontaha sa la 11 Pherekhong monon-goaha, o neng o etelet-soepele ka Sehlabelo se Halalelang sa 'Missa ke mong'a Parish Fr. Patrick Khoaele OMI, e bile e le ona o bulang selemo se secha.

Khothatsong ea hae Fr. Khoaele o itse Morena Jesu Kriste esale a ntse a

ta'e a mo phatlalatsa a re: "enoa ke mora oa ka ea ratehang le mo mamele." A re rona ka hlatsuo ha re nyoloha ka selibeng sa hlatsuo re bitsoa joalo-ka Kriste hore re se re le bana ba Morena Molimo kaha ka hlatsuo re se re entsoe bana ba hae.

A re Morena Molimo o ile a rata hore Kriste a tsoane le rona e le hore a tle a re ntše tebe-te-beng eo re khasang ka-har'a eona ea sebe. "Ke ka hona Jesu ea kenang kahar'a boliba ba metsi a hlatsuo joalokaha e ka o'a hlatsuoa, e re h'a nyoloha Molimo a mo fafat-sa ka Moea o Halalelang a re: enoa ke mora oa ka." O boletse joalo a bile a eketsa ka hore ka hlat-

ke Kereke le kajeno. A re ha re hopotsoa ka tlhatsuo ea Morena oa rona Jesu Kriste ho thoe re mo futse linthong tsohle hobane o ile a inkela botho ba rona, 'me a re futsa ka lintho tsohle a mpa a se ke a re futsa sebeng. Ka hona ka hlat-suo ea hae Kriste o etsa hore re qobe sebe, 'me re tsoane le eena hohle moo re leng teng ka ho etsa mesebetsi ea khot-so, ea mohau le lerato, e leng eona e ileng ea phatlalatsoa ke Molimo h'a ne a re: "ke eo moh-lanka oa ka ea ratehang mo rateng." A re bohle re ea tseba hore ka hlatsuo re fetoha bana ba More-na Molimo. "Taba li sal-lane le uena Pilato." Ke



hloekile kaha e le Molimo, empa o ile a inyeneyatsa ka ho iketsa motho 'me a tsoana le rona linthong tsohle ha ese ka sebe feela. O re ka ho theo-hela ka nokeng ea Jordane a hlatsuoa joaloka rona, ho ne ho sa fetoloe Eena, empa Molimo nta-

suo re e ntsoe bana ba Molimo, metsi a Jordane a ne a sa fetole le ho ntlafatsa Morena Jesu, empa ke eena ea ileng a a ntlafatsa ka ho theohela ka selibeng sa hlatsuo ho se hlohonolofatsa, ke ha a hloma Sakramente ea Hlatsuo e ntseng e etsoa

Fr. Khoaele eo, a bile a phethela ka hore mesebetsi eohle ea hlatsuo ke ea ho phelisana ka khot-so hohle moo re phelang teng, kaha mesebetsi eohle ea hlatsuo e le ea lerato le mohau kaha re le ba Kriste e leng Morena Jesu.

2025-2026 SELEMO A

SONTAHA SA 2 HAR'A SELEMO



Isaia 49:3.5
Pesalema 39
1Bakorinthe 1:1-3
Joannes 1:29-34



Khothatso

Mohlanka oa Molimo

Evangeli ea kajeno e re khothaletsa ho inahana holim'a Hlatsuo ea rona le holim'a litokelo le litsoanelo tseo sakramente ena e re tlišetsang tsona.

Ha re leka ho ikhopotsa seo re ithutileng sona sekolong, re tseba hore Hlatsuo ke sakramete e hlakolang libe tsa rona, e re etsang bana ba Molimo, bana babo Jesu Kriste, liitempele tsa Moea o Halalelang le majalafa a leholimo. Re amohela Hlatsuo hanngoe feela ha moprista a tšela metsi phatleng, a ntse a re: Kea u hlatsoa ka lebitso la Ntate, le la Mora le la Moea o Halalelang.

Tsena tsohle re li tseba ka hlooho, empa mohlomong re li nka hanyenyane feela, hobane ha re utloisise bohola ba tsona. Ereka ha re amohela Hlatsuo hanngoe feela, re hopola hore ha re e amohetse re qetile, 'me re fumane 'tekete' kapa 'pasa' eo re tla kokota leholimong ka eona, athe ha ho joalo. Hlatsuo ha se 'tekete', 'pasa' kapa lengolo leo re le bolokang hantle hore re tsebe ho le hlahisa ha le batleha. Hlatsuo ke ntho e khohle ho feta, ke bophelo bo bocha, boo re lokelang ho phela ka bona le ho bo holisa joalokaha re holisa bophelo ba 'mele oa rona.

A re ke re ipotseng hore na metsi a tšeloang phatleng ea motho a ka hloekisa joang moea oa hae le ho mo etsa ngoana oa Molimo. Evangeli eo re qatang ho e bala e araba potso ena. Metsi ka mahlo rea a bona, ebile re tseba mosebetsi oa 'ona; athe mona ea hlatsuoang ke Kriste ka moea Halalelang.

Ho hlatsua motho ke ho mo kenya lapeng la Morena Molimo, ebile ke ho mo thophothetsa ka bophelo ba Molimo. Hlatsuoang Moea o Halalelang o kena ho motho, o mo hloekise 'me o mo etsa setho sa lelapa la bana ba Molimo. Ketsahalo ena e khohle re sitoa ho e bona le ho e utloa, empa ke eona 'nete ea motheo oa bokriste.

Ho tla ha moea o Halalelang moeeng oa motho ho mo fa bophelo bo bocha, boo e leng ba Molimo ka sebele, bo mo tlamang ho phela joaloka ngoana oa Molimo.

Mehlala e seng mekae e tla re thusa ho utloisisa se boleloang: Ha ngoana a hlaha lefatšeng, batsoali ba tseba hantle hore mosebetsi oa bona ha o e-s'o fele, hobane ba hlokomela ho mo holisa hanyane ka hanyane, ho fihlela e-ba motho e moholo, ea phethehile. Mosebetsi ona o nka lilemo tse ngata. 'Me haeba batsoali ba sa phethe tsoanelo ea bona hantle, ngoana oa bona a ke ke a phela, o tla shoa.

Ha ngoana a ngolisitsoe sekolong sefe kapa sefe o sitoa ho re o se a pasitse, kapa o s'a qetile empa o tsoanetse ho ithuta ka thata lilemo tse ngata pele a ka atleha; 'me haeba a itulela, a sa ikhathatse ho ithuta, a ke ke a atleha.

Ha molemi a qeta ho jala peo mobung, o tseba hantle hore mosebetsi oa hae ha o e-s'o fele, o tsoanetse ho noesetsa peo ena, ho e sireletsa, ho e hlokomela le ho ema nako e telele pele a ja le ho kotula litholoana tsa eona.

Ka mokhoa o tsoanang, Hlatsuo, e re kenyang lapeng la Molimo ka sebele, 'me e re etsang bana ba hae, e tsoana le bophelo ba lesea, bo lokelang ho holisoa hanyane ka hanyane. Joalokaha lesea le febjoa ka lijo tsa batho, le rutoa puo ea batho, mekhoea le maele a batho, mokriste e mocha le eena o lokela ho febjoa ka lijo tsa Molimo, le ho rutoa puo ea Molimo, melao ea hae le bohle ba hae.

Motho ea hlatsuoang, empa a sa fumane kholiso ea bana ba Molimo o tsoana le lesea le sa fuoeng lijo 'me le tšeremang, le be le qetelle le shoele. O tsoana le ngoana ea ngolisitsoeng sekolong, empa ea itulelang hae, ea sa ithuteng 'me ea hloloang ke lihlahlobo. O tsoana le peo e jetsoeng mobung, eo ha pula le letsatsi li le sieo, e sitoa ho hola le ho beha litholoana.

Ka lebaka lena, Hlatsuo ha se 'tekete', 'pasa' kapa lengolo le re bulelang monyako oa leholimo, empa ke tsoalo ea bobeli e re kenyang lapeng la Molimo, e re lumellang 'me e re tlamang ho phela ka eona bophelo ba Molimo.

Bophelo ba Molimo ke bo joang? Bo akaretsoa ka lentsoe le le leng, ke lerato. Molimo o rata batho bohle, o ba batlela tse molemo, o ba etsa tse molemo. Bophelo ba Molimo boo re bo fumaneng ha re ne re amohela Hlatsuo, bo re tlama ho phela ka lerato, ho utloana le batho bohle, ho phelisana ka khotso le bona, le ho thusana le bona. Bo re tlama ho ithuta maele a Molimo a fumanoang evangeling ea Kriste le bohle ba hae bo fumanoang ka ho mo sala morao le ho mo mamela nthong tsohle.

Ha ho le joalo, re utloisisa boikarabello ba rona bakriste. Hlatsuo ea rona e re tlama ho tsoelapele kamehla leratong la Molimo ho fihlela letsatsing la lefu la rona, Re ka tsoelapele joalo ka ho ithuta evangeli ea Kriste. Ka ho mamela melao ea hae, ka ho latela thuto ea hae, ka ho rapela la ka ho amohela lithuso tsa hae.

Bophelo ba sekriste, joaloka bophelo ba motho lefatšeng, kapa ba ngoana oa sekolo, bona le mathata, bona le meleko. Empa ba tla tiisetša ho fihlela qetellong ke bona ba tla pholoha.

Bahalaleli har'a Beke

19	Pherekhong	Fillan
20	Pherekhong	Fabian
21	Pherekhong	Vimin
22	Pherekhong	Blaesilla
23	Pherekhong	Asclas
24	Pherekhong	Zama

Lihlopha tsa senuka li'a qala

Tšeliso Thakholi

Joalokaha lihlopha tsa papali ea senuka li se li qalile mokhahlelo oa tsona oa bobeli oa lipapali tsa Liki ea Maseru First Division le Second Division, li ile tsa isana holimo le tlaase mabelleng ka ho fapakana kahar'a naha ka Sontaha sa la 11 Pherekhong monongoaha, 'me ha tloa litlhase ha bahlankana ba betsa phupe ka lefe.

Sehlopha se mona se tloaetseng ho hlorisa tse ling, le ho li hula pele lokong ea Maseru First Division sa Airborne se ile sa ranthanya ntle ho qenehelo Lacasa e boemong ba bobeli lokong, ka 17-8, Sekoele ea nyolohela boemong ba bone kamor'a ho shapa Sharks ka phafa ea 19-6. Haele Pasco e bonahalang e sa sebetse hantle karolong ena ea bobeli, e theohetse maemong a bo 14 kamor'a ho hloloa ke Mookoli ka 13-12.

Maele a Sesotho a reng

"lebelo le ea fela thota e sale", a paka 'nete ea oona sehlopheng sa Pasco, kaha e bile e le sa khale haholo liking ea Maseru First Division empa se bonahala se kikitlala haholo. Cue Masters ea rabella Ciscos e seng e ntse e le boemong bo kotsi ba ho tla rathoa ke selepe ha liki e fela ka 16-9.

Ho ea ka e mong oa barati le batšehetsi ba sehlopha sa Airborne, David Ramatongoane sehlopha sa habo se ikemiselitse haholo ho qala mokhahlelo ona oa bobeli e bile e le oa ho qetela ka mafolofolo, 'me tebello ke hore ba sireletse mohope.

A bontša hore sehlopha sa Airborne ke se seng sa lihlopha tse kholo haholo kahare ho naha papaling ea senuka, 'me kamehla se sebetse ka thata hore se qetelele e le sona bompoli. A re ha lihlopha li ne li phomotsa bakeng sa keresemese le selemo se secha, sehlopha sa habo se ne se ntse se ikoetlisa ho itokisetša leoto la bobeli la liki, "ho tloha

ka papali ea pele sehlopha sena seo re se ratang hae-sale se qalile ho sebetse ka thata ho re tlela le tlhoho. Ha ho potang le monongoaha mohope e ntse e tliil'o ba o rona." A rialo ka pososelo e

kholo.

A qetella ka hore ha hona sehlopha seo ba se t'sohileng selemong sena haele mona ba se ba fetile bolacha ho Lacasa, kaha e ne e le sona se bonahalang se

le lenyokonyane. "Ka hona ha ho sana ntho eo re t'sohileng, re hlomphe lihlopha tsohle tseo re qothisanang lehlokoa le tsona empa ha ho bolele hore li tla etsa borata ka rona." Ke eena eo.



Litlholisano li tsoelapele

Tšeliso Thakholi

Litlholisano tsa papali ea bolo ea maoto tse hlophisitsoeng ke sehlopha sa bolo ea maoto sa mokhahlelo oa C Division sa Shining Stars bakeng sa banana le bashanyana ba lilemo li ka tlaase ho 16, li tla tsoelapele lebaleng la Motebo oa Sepole-

sa Ha Mabote, mafelong a beke.

Litlholisano tsena tse qalileng bekeng e fetileng, ke tsa bobeli tse tsoaroang ke Shining Stars ka kopanelo le bahoebi ba likoloi tsa li 4+1 tse tlohang Khubetsoang ho ea toporong ea Maseru, ebile e le bona ba tšehetsi ba baholo ba lipapali tsena. Sethathong li ne li tsoaretsoe Ha Abia ka 2025.

Ho ea ka e mong oa bahlophisi ea ikarabellang ho batšehetsi ba lipapali

tsena, Monghali Lebamang Hlaoli, o re sepheo sa litlholisano tsena ke ho tsoma talenta baneng ba lilemong li tlaase, ho e holisa, ho e matlafatsa le ho leka ho kenya moea oa papali ho bashanyana le "Re le bafani, re nka litlholisano tsena li le bohlokoa haholo, kaha ebile re kenyelelitse le lithuto tsa boitsoaro, bohloeki le ho ba khotaletsa ho holisa talenta ea bona ka ho rata le ho kena sekolo pele." Ke Hlaoli eo. A tsoelapele ka hore

litlholisano tsena li keneloa ke lihlopha tse robeli tikolohong ka 'ngoe.

Haele mothehi le moetapele oa sehlopha sa Shining Stars, Tšepiso Rantho o re sepheo sa bona ke ho hlokomelisa le ho ruta bana ka bohlokoa ba litalenta tsa bona, empa haholo-holo ea bolo ea maoto. A re ba boetse ba otla le ho aha sehlopha sa bona ka ho ithahisetsa sethopo sa kamoso, e le hore sehlopha sa bona se tsebe ho hola le ho

kena lihlopheng tse kholo.

"Re nahana hore taba ena eo re ntseng re e etsa ka tšehetso ea bahoebi ba li 4+1, e lokela ho ba thuto ho bahoebi ba bang kaha e le bohlokoa haholo hobane e boetse e thusa ho phutha bana linthong tse kotsi tse ka silafatsang bophelo ba bona." O boletse joalo.

A qetella ka hore ka tšehetso ea bahoebi ba bang ba tla qetella ba iphumane ba le lihlopheng tse kholo moo ba tlang ho lula nako e telele kaha ba tla be ba ena le sethopo seo ba ithahisetsang sona hore sehlopha se tsebe ho tsitsa le ho hola.



Mabote Beavers Ladies e tsoa pele

Tšeliso Thakholi

Lipapali tsa lihlopha tsa Liki ea Basali ea Econet Rugby, li fihlile pheletsong ka katleho, 'me sehlopha sa Mabote Beavers Ladies ke bompoli. Lipapali tsena li ne li bapalloa Mabaleng a Motebo oa Sepolesa, Ha Mabote, ka la 10 Pherekhong 2026.

Papali e neng e thakhola lipapali tsena e neng e le lipakeng tsa NUL Spears Ladies le Liqhomanane Ladies, ha e'a tsoelapele kaha sehlopha sa Liqhomanane Ladies se hlolehile ho fihla lebaleng ka nako, ea ba papali e'a qhaloa ho latela melao le melaoana e tsamaisang rugby. NUL Spears Ladies ea fuoa lintlha tse 28, ea nt'ano fetela ho makhaolakhang a lipapali tsena.

Sehlopha sa Mabote Beavers Ladies ha se betla tsela ea sona ea ho phunyeletsa ho ea ho makhaolakhang se

ile sa qala pele ka ho pola Mabita Gorillas Ladies ka 8-5, 'me ea thulana le NUL Spears Ladies ho makhaolakhang moo NUL Spears Ladies e sakang ea o besa oa tuka kaha e rabelletsoe 29-12. Papali ena e bapetsoe ka moea o phahameng ke libapali ka mahlakoare a mabeli hobaneli ne li labalabela tlhoho.

Puisanong le mokoetlisi oa sehlopha sa NUL Spears Ladies, Dipholo Tšola o itse, "ha rea ka ra itokisetse papali ena hobane sekolo se koetse, 'me libapali tsa rona ke baithuti ka NUL. Ka hona re ne re qala ho kopana kamor'a nako e telele. Ke ne ke ntse ke fana ka boikoetliso ho sebakali ka seng ka tšebeliso ea marang-rang. Ho bonahetse libapali tse neng li ntse li ikoetlisa le tse sa ikoetlisang."

A tiisa hore maikemisetso e ne e le ho hapa liki monongoaha, kaha ngoahola ba ile ba hlaha borarong 'me ba hapa Limentlele tsa Bronze, empa ka lebaka la mathata



a ho se kopane le ho koetla 'moho morero oa bona hao o'a atleha.

A re qholotso e 'ngoe eo a kopanang le eona ke ea hore selemo le selemo ba amohela libapali tse ncha tse sa tsebeng letho ka papali ea rugby, kaha boholo ba libapali tsa khale tse seng li ena le boiphihlelo bo itseng, ha li qeta ho fumana mangolo ba leba ha habo bona kaha ba etsoa literekeng ka ho fapakana.

A re ntho e ba thusang ke hore ka nako e 'ngoe hoba le libapali tse tlang ka NUL li etsoa lihlopheng tse ling tse kholo kapa tsa liki tse ka tlaase, eleng moo baeng ba buisane le beng ba lihlopha tseo ba tsoang ho tsona hoba lokollela libapali tsa mofuta o joalo.

"Ke tsela eo re fumanang libapali ka eona. Ho feta mona ha ho bonolo ho hang hore re ka fumana libapali tse tsoang kantle tseo e

seng baithuti ba sekolo." O boletse joalo a bile a phethela ka ho supa hore qholotso e 'ngoe e kholo ke hore botsamaisi ba sekolo ha bo nke lipapali li le bohlokoa. "Re kopa re tiile hore sekolo se tšehetse lipapali ka matla a maholo, e seng feela tsa rugbyly empa lipapali tsohle kaha li le bohlokoa haholo bophelong ba baithuti ba letsatsi ka leng leha ba se ba phethetse lithuto tsa bona ka sekolong."

Ke masia-siane mahloka lebelo

sa 1-1. Taba ena e ile ea makatsa barati le batšehetsi



Tšeliso Thakholi

Selemo sa lipapali tsa bolo ea mao-to sa Vodacom Premier League se kene mokhahlelong oa ho qetela e leng oa bobeli oa liki e leng moo lihlopha li bontšang boiphihlelo ba tsona, 'me ke lehlana-hlana la motima-hlaha ho lihlopha ho ea fihla khoeleng.

Ha li thakhoha mafelong a beke e tlang, ho tla hlaka hore ke li fe tse tlang ho tsoa

pele khoeleng le hore tse tla khutlela liking e ka tlaase ke li fe. Lihlopha tse ka holimo li maphathe-phashe ho loana ntoa ea khumamela ho kotsomala sa maratsoang. Athe tse ka kutung le tsona li loanela hlooho ea tsona ho baleha ho rengoa ke selepe.

Lihlopha tse 'ne tse ka holimo lokong ke Lifofane ka lintlha-kholo tse 28, Lijabatho ka lintlha-kholo tse 26, ebe Majantja ka lintlha-kholo tse 26 le Lioli ka lintlha-kholo tse 25. Kutung ke Members ka lintlha-kholo

tse supiloeng, e lateloe ke LU FC ka lintlha-kholo tse 9. Ho latela lintlha-kholo tseo lihlopha tse peli tsa ho qetela lokong li nang le tsona, ha li ka hloloa ho sebetse hantle lipapaling tsa tsona tse tharo karolong ena ea ho qetela ea lipapali tsa liki, ho ke ke ha hlola ho eba bonolo hore li ka phonyoha selepe.

Members e tla qala ho leka ho sisinyeha hafeela e ka hlola Maroala, ha LU FC eona e ka phomella ha e ka hlola Matlama kaha ho bonahetse hore sehlopha sa

Matlama selemong sena sa lipapali ha se ea ikemisetse ho hapa liki, empa morero ke ho aha sehlopha. Athe lihlopha tse peli tse ka holimo ho Members le LU FC e leng Liphakoe eo e saleng e ntse e khutla lintšing tsa selomo le Maroala, li lokela hore li loane hore ho khaohe moo ho khoehlang hobane li siea tse katlaase ho tsona ka lintlha tse fokolang.

Papaling e neng e tonetsoe mahlo haholo mafelong a beke, ea Matlama le Members li ile tsa tsoa ka lebaleng li bapetse ka seahlolo

ba bangata ba sehlopha sa Matlama. Sena ke bopaki ba hore Matlama ha liki e ntse e kolumela e tla llela lebeso le qhalaneng kaha boholo ba nako e bapala ka menyetla ea eona.

Haele lipapali tse neng li saletse morao ka mabaka a fapakaneng tse ileng tsa bapala mafelong a beke e fetileng li bapetse tjena: Lioli 2-2 Bantu, Liphakoe 0-0 Manonyane, LMPS 3-0 LUFC, LDF 1-1 Lijabatho, LCS 0-0 Majantja, Lifofane 1-2 Machokha le Maroala 0-4 Linare.